

Barry Sunshine un di e poconan cu por ser mira limpiando zapato



ORANJESTAD(AAN): Na Aruba ta dificil haya un of mas persona ta haci zapato limpi riba caya.

Na hopi pais esaki no ta e caso ya cu na hopi parti unda tin hopi hende ta frecuenta por mira un of mas "limpia botas" manera ta ser yama den paisnan latino cu nan

banki di palo y nan caha di palo cu e cliente por pone su su pia riba dje pa e "limpia botas" haci e zapato limpi.

Den e mesun caha aki tambe por mira cu e "limpia botas" ta pone su cosnan di trabao.

Algun tempo atras na Aruba tambe tabata tin varios persona ta haci e rabao aki.

Awor ta dificil logra haya uno aunke por a scucha na aeropuerto caminda fotografo di DIARIO a topa cu Barry Sunshine trahando cu na Sanicolas ainda a keda un "limpia botas".

Barry mes a yega di haci e trabao aki basta tempo pasa na Aruba pero a bay den ex-

terior algun tempo y segun e mes a bisa el a bolbe bek y tin dos dia cu el a cuminsa shine zapato atrobe.

Por mira cu berdad un zapato cu color dof ta keda lombra so despues di un bon shine di Barry Sunshine.

Segun Barry ta bisa e lo keda move rond den vecin-

dario di aeropuerto ya cu na Sanicolas ainda tin un "limpia botas" y ta cla pa sirbi tanto homber como hende muher cu ta bisti zapato of keds.

E prijs cu ta ser cobra tam-poco ta uno caro y ta uno di introduccion cu ta tres florin cu cincuenta cent.


"Merida" lo duna un tremendo presentacion na Aruba

ORANJESTAD (AAN): E Corporacion Merideña de Turismo cu cooperacion di Consul di Venezuela, lo tene un tremendo presentacion na Aruba, di nan oferta turistico yama "Destino Merida".

Informacion cu DIARIO ta dispone di dje ta indica cu riba Diabierna 3 di Juli, lo bay tin un actividad sumamente interesante den Ballroom di Wyndham Aruba Beach Resort & Casino.

Durante e presentacion aki, publico lo haya tur clase di informacion di Merida. Tambe lo haya un muestra di e fabuloso preparacionnan gastronomico, musica, y tur detaye pa asina bo planea e siguiente vacacion na Merida.

Pueblo di Aruba ta cordialmente invita pa asisti na e actividad unico aki, cu lo cuminsa dia 3 di Juli venedero, pa 7:30'or di anochi.



NA BENTA PA MOTIBO DI BANCAROTA FIESTA PARK (Plaza Shopping Center)

Definicion: situa na J.E. Irausquin Blvd. Nr.266, aprox. 7.530m² tereno erfpacht. Definicion cadastrel 1e Division, Seccion K Nr.1003 (1-K-1003) (Reg. C. Nr.304-36), area construi 4.565m², cu bista riba laman.

Destinacion: empresanan orienta riba turismo, manera empresanan di deporte acuatico, restaurant, actividadnan artistico-cultural, establecimentonan pa bende cuminda y bebida y proyectonan di entretenimento. Exclui Supermercado y localidad no turistico.

Oferta: Prijs di salida Afl.2.000.000,- (dos million florin Arubiano). E rapport di tasacion ta na disposicion na oficina di e curator. Mester presenta oferta na florin Arubiano.

Interes: e oferta mester menciona fam, nomber, fecha di nacemento, profesion y adres di esun cu ta inscribi, e suma cu ta ofrece y firma. Tur esaki de un envelop cera y acompaña pa un garatia bancario solido di un banco comercial local reconocí pa Banco Central di Aruba. Den caso cu e oferta ta concerni un persona huridico, anto e oferta mester ta acompaña pa un extracto reciente di e registro na Camara di Comercio y datonan personal di e director(nan).

Oferta: E ofertanan mester ta entrega no mas tarda cu dia 3 di juli 1998 pa 16.00or na oficina di e curatornan:

Mr. M.M. Malmberg y/of Mr. C.A. Francis

J.G. Emanstraat Nr. 122
Oranjestad - Aruba

Oficina di e curatornan ta administra e tempo. Inmediatamente despues di e ora di ceramento pa 16.00 or dia 3 di juli 1998, lo entrega e envelopnan cerca Hues Comisario Mr. H.M. Behrens na Corte di Husticia. dia/ora di exposicion: pa medio di palabracion cu e curatornan alcansabel via

Tel: (297)-833774 y (297)-835846

Fax: (297)-822598

E-mail: Lawofficefrancis@setarnet.aw

Habrimento di e envelopnan:

DIALUNA DIA 6 DI JULI 1998

PA 15.00'OR (3'OR DI ATARDI)

NA CORTE DI HUSTICIA

J.G. EMANSTRAAT NR. 51

DILANTI DI SEÑOR HUES COMISARIO
MR. H.M. BEHRENS.

E CONDICIONAN MENCIONA, MANERA DATONAN PERSONAL, GARATIA BANCARIO, ETC., TA WORDO CONTROLA E ORA EI. INVALIDO TA E OFERTANAN CU, ENTRE OTRO, NO TA FIRMA, NO TIN UN GARANTIA BANCARIO SOLIDO, FALTA NUMBER, ETC. HUES COMISARIO TA RESERVA E DERECHO DI DELIBERACION DURANTE 48 ORA DESPUES DI E ORA DI HABRIMENTO DI E ENVELOPNAN.